

後漢書

獻帝

第九卷

靈帝

第八卷

第五本

帝紀

內閣文庫			
六〇函	一四六	六〇冊	漢書類

漢書門			
六〇冊	一四六	六〇函	漢書類

內閣文庫	
番號	漢 1460
冊數	60 5)
函號	280 2



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





靈帝紀第八

范曄

後漢書八

孝靈皇帝諱宏

諡法曰亂而侯古今注曰

宏之字曰大蕭

宗玄孫也會祖河間孝王開祖淑父萇世封

解瀆亭侯

淑以河間王子封為解瀆亭侯萇襲父封故言世封也解瀆亭在今


定州義豐縣東北也帝襲侯爵母董夫人桓帝崩無子

皇太后與父城門校尉竇武定策禁中使守

光祿大夫劉儵持節將左右羽林至河間奉

迎續漢志曰桓帝之初京都童謠曰城上烏

尾畢逋公為吏子為徒一徒死百乘車車班班入河間河間姪女工數錢以錢為室金為堂石上慊慊春黃梁梁下有懸陂我欲擊





之丞卿怒城上烏者處高獨食不與下共謂  
人主多聚歛也公為吏子為徒者言蠻夷叛  
逆父既為軍吏子弟又為卒徒往擊之也一  
徒死百乘車往也車班班者言乘與班班入河  
間迎靈帝也妊女數錢言帝既立其母永樂  
太后好聚金以為堂室也石上慊慊者言太  
后雖積金錢猶慊慊常若不足使人齎黃梁  
而食之也我欲擊之者言太后教帝使賣官  
受錢天下忠篤之士怨望欲擊鼓求見婦懸  
鼓者復怒而止我也

建寧元年春正月壬午城門校尉竇武為大  
將軍已亥帝到夏門亭東觀記日到夏門外  
使竇武持節以王青蓋車迎入殿中庚子即

皇帝位年十二改元建寧以前太尉陳蕃為

太傅與竇武及司徒胡廣參錄尚書事使護

羌校尉段熲討先零羌二月辛酉葬孝桓皇

帝于宣陵在洛陽東南二十里廟曰威宗庚

午謁高廟辛未謁世祖廟太赦天下賜民爵

及帛各有差段熲大破先零羌於逢義山在

今原州高平閏月甲午追尊皇祖為孝元皇

夫人夏氏為孝元皇后考為孝仁皇夫人董

氏為慎園貴人慎園在今瀛州樂壽縣夏四



月戊辰太尉周景薨司空宜鄴免長樂衛尉  
王暢為司空五月丁未朔日有食之詔公卿  
以下各上封事及郡國守相舉有道之士各  
一人又故刺史二千石清高有遺惠為眾所  
歸者皆詣公車太中大夫劉矩為太尉六月  
京師雨水秋七月破羌將軍段熲復破先零  
羌於涇陽涇陽縣名屬安定故城在原州涼縣南也八月司空王  
暢免宗正劉寵為司空九月丁亥中常侍曹  
節矯詔誅太傅陳蕃大將軍竇武及尚書

尹勲侍中劉瑜屯騎校尉馮述皆夷其族皇

太后遷于南宮太后與竇武密謀欲誅曹節今此等既誅故太后被遷

司徒胡廣為太傅錄尚書事司空劉寵為司

徒大鴻臚許栩為司空冬十月甲辰晦日有

食之命天下繫囚罪未決入縑贖各有差十

一月太尉劉矩免太僕沛國聞人襲為太尉

姓聞人名襲字定卿風俗通曰十二月鮮卑

及濊貊寇幽并二列

二年春正月丁丑大赦天下三月乙巳尊慎



園董貴人為孝仁皇后續漢志曰置永樂宮儀如桓帝尊區貴

之禮夏四月癸巳大風雨電詔公卿以下各上

封事五月太尉聞人襲罷司空許栩免六月

司徒劉寵為太尉太常許訓為司徒訓字本師平興

人太僕長沙劉暉為司空暉字重寧秋七月破羌

將軍段熲大破先零羌於射虎塞外谷東羌

悉平九月江夏蠻叛列郡討平之丹陽山越

賊圍太守陳貢貢擊破之冬十月丁亥中常

侍侯覽諷有司奏前司空虞放太僕杜密長

樂少府李膺司隸校尉朱瑀潁川太守巴肅

沛相荀翊河內太守魏朗山陽太守翟超等皆

為鈞黨下獄鈞謂相牽引也事見劉淑李膺傳死者百餘人

妻子徙邊諸附從者錮及五屬五屬謂五服內親也制

詔州郡大舉鈞黨於是天下豪傑及儒學行

義者一切結為黨人續漢志曰建寧中京師長者皆以葦方笥為裝

具時有識者竊言葦笥郡國獻篋也後黨人禁錮會赦有疑者皆讞廷尉人名悉入方笥

中庚子晦日有食之十一月太尉劉寵免太

僕郭禧為太尉字公房扶溝人也禧音僖鮮卑寇并州是



歲長樂太僕曹節為車騎將軍百餘日罷  
三年春正月河內人婦食夫河南人夫食婦  
三月丙寅晦日有食之夏四月太尉郭禧罷  
太中大夫聞人襲為太尉秋七月司空劉瓛  
罷八月大鴻臚橋玄為司空九月執金吾董  
寵下獄死冬濟南賊起攻東平陵東平陵縣名屬濟南  
郡故城在鬱林烏潠民相率內屬烏潠南方夷號也廣  
州記曰其俗食人以鼻飲水口中進取如故  
四年春正月甲子帝加元服大赦天下賜公

卿以下各有差唯黨人不赦二月癸卯地震  
海水溢河水清三月辛酉朔日有食之太尉  
聞人襲免太僕李咸為太尉字元卓汝南西平人詔公  
卿至六百石各上封事大疫使中謁者巡行  
致醫藥司徒許訓免司空橋玄為司徒夏四  
月太常來豔為司空豔字季德南陽新野人五月河東  
地裂雨雹山水暴出秋七月司空來豔免癸  
丑立貴人宋氏為皇后執金吾宋鄴女前司  
徒橋玄免太常宗俱為司空俱字伯鸞南陽安定人前



司空許栩為司徒冬鮮卑寇并列

熹平元年春三月壬戌太傅胡廣薨夏五月

己巳大赦天下改元熹平長樂太僕侯覽有

罪自殺六月京師雨水癸巳皇太后竇氏崩

秋七月甲寅葬桓思皇后宦官諷司隸校尉

段熲捕繫太學諸生千餘人時有人書朱雀

反丁亥惺及妻子皆自殺十一月會稽人許

生自稱越王寇郡縣東觀記曰會稽許邪聚

為越王攻遣揚州刺史臧旻丹陽太守陳廣

討破之十二月司徒許栩罷大鴻臚袁隗為

司徒鮮卑寇并列是歲甘陵王恢薨

二年春正月大疫使使者巡行致醫藥丁丑

司空宗俱薨二月壬午大赦天下以光祿勳

楊賜為司空三月太尉李咸免夏五月以司

隸校尉段熲為太尉沛相師遷坐誣罔國王

下獄死國王陳愍王寵也臣賢案陳敬王傳

遷奏沛相魏愍前為陳相與陳王寵交通六

後漢書

五



月北海地震東萊北海海水溢

續漢志曰特出大魚一枚

各長八九丈高二丈餘

秋七月司空楊賜免太常潁川

唐珍為司空冬十二月日南徼外國重譯貢

獻太尉段熲罷鮮卑寇幽并二州癸酉晦日

有食之

三年春正月夫餘國遣使貢獻二月己巳太

赦天下太常陳耽為太尉

耽字漢公東海人也

三月中

山王陽薨無子國除夏六月封河間王利子

康為濟南王奉孝仁皇祀秋洛水溢冬十月

癸丑今天下繫囚罪未決入縑贖十一月楊

列刺史臧旻率丹陽太守陳賁大破許生於

會稽斬之任城王博薨十二月鮮卑寇北地

北地太守夏育追擊破之鮮卑又寇并州司

空唐珍罷永樂少府許訓為司空

四年春三月詔諸儒正五經文字刻石立于

太學門外封河閒王建孫佗為任城王

建植弟

也四月郡國七大水五月丁卯大赦天下延

陵園灾

成帝陵也在今武陽縣西

遣使者持節告祠延陵



鮮卑寇幽列六月弘農三輔螟遣守官令之

鹽監穿渠為民興利前漢地理志及續漢郡國志並無鹽監今蒲州

安邑縣西南有鹽城。劉攽曰注鹽城當作鹽池耳及無鹽字下當有一監字說文監字訓為鹽池然則注家案地志求監所在則無之。二漢志不謂池為監也而據今所見則有池云。令郡國遇災者減田租之半其傷害什四

以上勿收責冬十月丁巳令天下繫囚罪未

決入縑贖拜冲帝母虞美人為憲園貴人順

虞美人也憲園在洛陽東北質帝母陳夫人為渤海孝王

妃渤海孝王馮夫人也改平準為中準漢官儀曰平準令一人秩

六百石也使宦官為令列於內署自是諸署悉以

閹人為丞令

五年夏四月癸亥大赦天下益列郡夷叛太

守李顯討平之復崇高山前書武帝

祠中嶽改嵩高為崇高東觀記曰使中郎大

將堂谿典請兩因上言改之為嵩高山大

零使侍御史行詔獄亭部理冤枉原輕繫休

囚徒五月太尉陳耽罷司空許訓為太尉閏

月朮昌太守曹鸞坐訟黨人弃市訟謂申理之也其言

切直帝怒檻車送槐里獄掠殺之也詔黨人門生故吏父兄子



弟在位者皆免官禁錮六月壬戌太常南陽

劉逸逸字大過為司空秋七月太尉許訓罷

光祿勳劉寬為太尉冬十月壬午御殿後槐

樹自拔倒豎司徒袁隗罷十一月丙戌光祿

大夫楊賜為司徒十二月廿陵王定薨試太

學生年六十以上百餘人除郎中太子舍人

至王家郎郡國文學吏漢官儀曰太子舍人

石無是歲鮮卑寇幽州沛國言黃龍見譙

六年春正月辛巳大赦天下二月南宮平城

門及武庫東垣屋自壞平城門洛陽城南門

陽之門與宮連郊祀漢駕所從出門之最尊

者武庫禁兵所藏東垣庫之外障易傳曰小

人在位厥妖夏四月大旱七列蝗鮮卑寇三

邊謂東西市賈民為宜陵孝子者數十人皆

除太子舍人秋七月司空劉逸免衛尉陳球

為司空八月遣破鮮卑中郎將田晏出雲中

使匈奴中郎將臧旻與南單于出鴈門護烏

桓校尉夏育出高柳並伐鮮卑晏等大敗冬

十月癸丑朔日有食之太尉劉寬免帝臨辟



雍辛丑京師地震辛亥命天下繫囚罪未決

入縑贖十一月司空陳球免十二月甲寅太

常河南孟馘為太尉馘字叔達庚辰司徒楊

賜免太常陳耽為司空鮮卑寇遼西永安太

僕王晏下獄死永安宮之太僕也

光和元年春正月合浦交阯烏滄蠻叛招引

九真日南民攻沒郡縣太尉孟馘罷二月辛

亥朔日有食之癸丑光祿勳陳國袁滂為司

徒滂字公喜已未地震始置鴻都門學生鴻都門名也於

丙置學時其中諸生皆勅刑郡三公舉召能為尺牘辭賦及工書寫篆者相課試至千人焉

三月辛丑大赦天下改元光和太常常山

張顥為太尉顥字智明搜神記曰顥為梁相新雨後有鵲飛翔近地今人通

之懼地化為圓石顥命椎破得一金印文曰忠孝侯印夏四月丙辰地

震侍中寺雌鷄化為雄司空陳耽免太常來

豔為司空五月壬午有白衣人入德陽殿門

亡去不獲東觀記曰白衣人言梁陌夏教我上殿與中黃門桓賢語因忽不見

六月丁丑有黑氣墮所御溫德殿庭中東觀記曰

墮所御溫明殿庭中如車蓋隆起奪迅五色有頭體長十餘丈形貌似龍秋七月



壬子青虹見御坐玉堂後殿庭中

洛陽宮殿名南宮有

玉堂前後殿擬楊賜傳云隋嘉德殿前

八月有星孛于天市九

月太尉張顥罷太常陳球為太尉司空來豔

薨冬十月屯騎校尉袁逢為司空皇后宋氏

廢后父執金吾鄴下獄死丙子晦日有食之

十一月太尉陳球免十二月丁巳光祿大夫

橋玄為太尉是歲鮮卑寇酒泉京師馬生人

京房易傳曰諸侯相伐厥妖馬生人初開西邸賣官自關內侯

虎賁羽林入錢各有差

山陽公載記曰時官二千石二千萬

百石四百萬其以德次應選者半之或三分之一於西園立庫以貯之

私令左

右賣公卿公千萬卿五百萬

二年春大疫使常侍中謁者巡行致醫藥三

月司徒袁滂免大鴻臚劉郃為司徒

郃字李承乙

丑太尉橋玄罷太中大夫段熲為太尉京兆

地震司空袁逢罷太常張濟為司空

濟字元江細陽

夏四月甲戌朔日有食之辛巳中常侍王

甫及太尉段熲並下獄死丁酉大赦天下諸

黨人禁錮小功以下皆除之

時上祿長和濟上言黨人錮及



五族有乖一典訓帝從之東平王端薨五月衛尉劉寬為

太尉秋七月使匈奴中郎將張脩有罪下獄

死時張脩擅勒單于呼微更立若渠為單于故坐死冬十月甲申司

徒劉劭永樂少府陳球衛尉陽球步兵校尉

劉納謀誅宦官事泄皆下獄死巴郡板楯蠻

叛遣御史中丞蕭瑗督益州刺史討之不克

十二月光祿勳楊賜為司徒鮮卑寇幽并二

列是歲河閒王利薨洛陽女子生兒兩頭四

臂京房易傳曰一頭下不

三年春正月癸酉大赦天下二月公府駐駕

廡自壞公府三公府也駐駕停車處也廡衙

餘間屋也音無禹反續漢志云南北四十三月梁王元薨夏四月江夏蠻叛六月

詔公卿舉能通尚書毛詩左氏穀梁春秋各

一人悉除議郎秋表是地震涌水出表是縣

郡故城在今甘州張掖縣西北也八月令繫囚罪未決入繚

贖谷有差冬閏月有星孛于狼弧二星名也鮮卑

寇幽并二列十二月己巳立貴人何氏為皇

后南陽宛人也車驍將軍何真女也是歲作單圭靈昆花單圭



苑有二，東畢圭苑，周一千五百步，中有魚梁臺，西畢圭苑，周二千三百步，並在洛陽，宜平門外。

四年春正月初，置驥廐，丞領受郡國調馬。

驥，善馬也。調，謂徵發也。豪右幸推馬一匹至二百萬。

音義曰：幸，障也。推，專也。謂障餘人，賣買而自取其利。二月，郡國上芝英。

草夏四月庚子，大赦天下。交趾刺史朱儁討

交趾合浦烏滸蠻，破之。六月庚辰，雨雹。

雹，大如雞子。秋七月，河南言鳳皇見，新城群鳥隨

之，賜新城令及三老力田帛，各有差。九月，

寅朔日有食之。太尉劉寬免，衛尉許咸為太

尉。閏月辛酉，北宮東掖庭永巷署災。

也。漢官儀曰：令一人宦官為之，秩六百石。掌中署，各

給尚書郎。侍史之類。司徒楊賜罷。冬十月，太常陳耽為

司徒。鮮卑寇幽并二州。是歲，帝作列肆於後

宮，使諸采女販賣，更相盜竊，爭鬪。帝著商估

服，飲宴為樂。又於西園弄狗，著進賢冠帶綬。

三禮圖曰：進賢冠，文官服之，前高七寸，後高三寸，長八寸，續漢志曰：靈帝寵用，便嬖子弟

轉相汲引，賣關內侯，直五百萬，令長強者，貪如豺狼，弱者，略不類物，實狗而冠也。昌邑王



見狗冠方山冠龔遂曰又駕四驢帝躬自操

王之左右皆狗而冠轡驅馳周旋京師轉相放效續漢志曰驢者

下山谷野人之所用耳何有帝王君乎而驂

駕之乎天意若曰國想大亂賢愚倒植凡執

政者皆如驢也五年春正月辛未大赦天下二月大疫三月

司徒陳耽免夏四月旱太常袁隗為司徒五

月庚申永樂宮署灾續漢志曰德陽前殿西

北入門內永樂太后宮署秋七月有星孛于太微巴郡板楯蠻詣太

守曹謙降癸酉令繫囚罪未決入縑贖八月

起四百人觀於阿亭道冬十月太尉許儼罷

太常楊賜為太尉校獵上林苑歷函谷關遂

巡狩于廣成苑十二月還幸太學

六年春正月日南徼外國重譯貢獻二月復

長陵縣比豐沛三月辛未大赦天下夏大旱

秋金城河水溢五原山岸崩始置園囿署以

宦者為令冬東海東萊琅邪井中冰厚尺餘

大有年

中平元年春二月鉅鹿人張角自稱黃天其



部師有三十六萬皆著黃巾同日反叛續漢書曰

三十六萬餘人安平甘陵人各執其王以應之安平王續

甘陵王忠三月戊申以河南尹何進為大將軍將

兵屯都亭置八關都尉官都亭在洛陽八關謂函谷廣城伊關

大谷轅轅旋門小平津孟津也壬子大赦天下黨人還諸徙

者時中常侍呂彊言於帝曰黨錮久積若與黃巾合謀悔之無救帝懼皆赦之唯

張角不赦詔公卿出馬駉舉列將子孫及吏

民有明戰陣之略者詣公車遣北中郎將盧

植討張角左中郎將皇甫嵩右中郎將朱儁

討潁川黃巾庚子南陽黃巾張曼成攻殺郡

守褚貢夏四月太尉楊賜免太僕弘農鄧盛

為太尉盛字伯能司空張濟罷大司農張溫為司

空朱儁為黃巾波才所敗侍中向栩張鈞坐

言宦者下獄死時鈞上書曰今勅常侍懸其首於南郊以謝天下即其自

消也帝以章示汝南黃巾敗太守趙謙於邵

陵邵陵縣名屬汝南郡故城在今豫州鄆城縣東廣陽黃巾殺幽州

刺史郭勲及太守劉衛五月皇甫嵩朱儁復

與波才等戰於長社大破之長社今許州縣也故城在長葛



西縣 六月南陽太守秦頡擊張曼成斬之交阯

屯兵執刺史及合浦太守來達自稱柱天將

軍遣交阯刺史賈琮討平之皇甫嵩朱雋大

破汝南黃巾於西華西華縣屬汝南郡故城在今陳州項城縣西

詔嵩討東郡朱雋討南陽盧植破黃巾圍張

角於廣宗宦官誣奏植抵罪植連破張角垂

左豐言於帝曰盧中郎固壘息軍以待天誅帝怒遂檻車徵植減死一等遣中郎

將董卓攻張角不克洛陽女子生兒兩頭共

身續漢志曰上西門外女子生兒兩頭異

二頭之象秋七月巴郡妖巫張脩反寇郡縣

劉艾紀曰時巴郡巫人張脩療病愈者崔以米五斗號為五斗米師河南尹徐

灌下獄死八月皇甫嵩與黃巾戰於倉亭獲

其帥其帥卜巳也倉亭在東郡乙巳詔皇甫嵩北討張角

九月安平王讀有罪誅國除冬十月皇甫嵩

與黃巾賊戰於廣宗獲張角弟梁角先死乃

戮其屍發棺斮頭以皇甫嵩為左車騎將軍

十一月皇甫嵩又破黃巾于下曲陽斬張角

弟寶湟中義從胡北宮伯玉與先零羌叛以



金城人邊章韓遂為軍帥攻殺護羌校尉份  
徵金城太守陳懿懿，姓也。周有懿大夫，份州焉。癸巳朱儁拔  
宛城斬黃巾別帥孫夏詔減太官珍羞御食  
一肉廐馬非郊祭之用悉出給軍十二月已  
巳大赦天下改元中平是歲下邳王意薨無  
子國除郡國生異草備龍蛇鳥獸之形風俗亦作人狀，操持兵弩，一一備具。續漢志：龍蛇鳥獸其狀毛羽頭目足翅皆具。是歲黃巾賊起，漢遂微弱。  
二年春正月大疫琅邪王據薨二月己酉南

宮大灾火半月乃滅

續漢志：日時燒靈臺殿樂成殿，延及北闕度道。

西燒嘉德和驩殿。

巳亥廣陽門外屋自壞

洛陽城西面南頭門。

也。

稅天下田畝十錢以修宮室。黑山賊張牛角等

十餘輩並起所在寇鈔司徒袁隗免三月廷

尉崔烈為司徒北宮伯玉等寇三輔遣左車

騎將軍皇甫嵩討之不克夏四月庚戌大風

雨雹五月太尉鄧盛罷太僕河南張延為太

尉

延字公威，歆之子。

秋七月三輔鎮左車騎將軍皇

甫嵩免八月以司空張溫為車騎將軍討北



宮伯玉九月特進楊賜為司空冬十月庚寅

司空楊賜薨光祿大夫許相為司空相字公

入許訓前司徒陳耽諫議大夫劉陶坐直言下與

下獄死十一月張溫破北宮伯玉於美陽囚

遣盪寇將軍周慎追擊之圍榆中縣名故城

金城縣又遣中郎將董卓討先零羌慎卓並

不克鮮卑寇幽并二州是歲造萬金堂於西

園洛陽民生兒兩頭四臂

三年春二月江夏兵趙慈反殺南陽太守秦

頡庚戌太赦天下太尉張延罷車騎將軍張

溫為太尉中常侍趙忠為車騎將軍復修玉

堂殿鑄銅人四黃鍾四其音中黃鍾及天祿

蝦蟆又鑄四出文錢天祿獸也時使掖廷令

玄武闕外懸鐘於玉堂及雲臺殿前天祿蝦

蟾吐水於平門外事具宦者傳案今鄧州南

陽縣北有宗資碑旁有兩石獸鑄其膊一曰

天祿一曰辟邪據此即天祿辟邪金獸名也

漢有天祿閣亦五月壬辰晦日有食之六月

荆列刺史王敏討趙慈斬之車騎將軍趙忠

罷秋八月懷陵上有雀萬數悲鳴因鬪相殺



懷陵冲帝陵也續漢志曰天戒若日冬十月諸懷爵祿而尊厚者還自相害也

武陵蠻叛寇郡界郡兵討破之前太尉張延為宦人所譖下獄死十二月鮮卑寇幽并二列

四年春正月己卯大赦天下二月滎陽賊殺

中牟令中牟今鄭州縣劉艾紀曰令落皓已及主簿潘萊臨陣不顧皆被害

亥南宮內殿眾愚自壞前書音義曰眾愚連關曲閣也音浮思

三月河南尹何苗討滎陽賊破之拜苗為車

騎將軍夏四月涼州刺史耿鄙討金城賊韓

遂鄙兵大敗遂寇漢陽漢陽太守傳變戰沒

扶風人馬騰漢陽人王國並叛寇三輔太尉

張温免司徒崔烈為太尉五月司空許相為

司徒光祿勳沛國丁宮為司空官字元雅六月洛

陽民生男兩頭共身劉艾紀曰上西門外劉倉妻生也漁陽

人張純與同郡張舉舉兵叛劉攽曰案他處叛賊未嘗言

舉兵者當由其名舉故術攻殺右北平太守劉政遼東

太守楊終護烏桓校尉公綦稠等舉兵自稱

天子寇幽冀二州劉攽曰案張舉自稱天子誤出一兵字秋九



月丁酉令天下繫囚罪未決入縑贖冬十月  
零陵人觀鵠觀姓自稱平天將軍寇桂陽長  
沙太守孫堅擊斬之十一月太尉崔烈罷大  
司農曹嵩為太尉十二月休屠各胡叛是歲  
賣關內侯假金印紫綬傳世入錢五百萬  
五年春正月休屠各胡寇西河殺郡守邢紀  
丁酉太赦天下二月有星孛于紫宮黃巾餘  
賊郭大等起於西河白波谷寇太原河東三  
月休屠各胡攻殺并州刺史張懿遂與南匈奴

奴左部胡合殺其單于夏四月汝南葛陂黃  
巾攻沒郡縣葛陂在今豫州太尉曹嵩罷五  
月永樂少府樊陵為太尉陵字德雲胡陽人也六月丙  
寅大風太尉樊陵罷益州黃巾馬相攻殺刺  
史郝儉自稱天子又寇巴郡殺郡守趙部益  
州從事賈龍擊相斬之郡國七大水秋七月  
射聲校尉馬日磾為太尉八月初置西園八  
校尉樂資山陽公載記曰小黃門蹇碩為上  
軍校尉虎賁中郎將袁紹為中軍校尉  
中騎校尉鮑鴻為下軍校尉議郎曹操為典  
軍校尉趙融為助軍左校尉馮芳為助軍右



校尉諫議大夫夏牟為左校尉淳于瓊為右校尉九人校尉皆統於瓊碩司徒許相罷司空丁宮為司徒光祿勳南陽劉弘為司空字子高安衆人衛尉董重為驃騎將軍九月南單于叛與白波賊寇河東遣中郎將孟益率騎都尉公孫瓚討漁陽賊張純等冬十月壬午御殿後槐樹自拔倒豎青徐黃巾復起寇郡縣甲子帝自稱無上將軍耀兵於平樂觀平樂觀在洛陽城西十一月涼州賊王國圍陳倉右將軍皇甫嵩救之遣下軍校尉鮑鴻討葛陂黃

巾巴郡板楯蠻叛遣上軍別部司馬趙瑾討平之公孫瓚與張純戰於石門大破之時為相反是歲改刺反與賊張純等攻薊中故瓚追擊之石門山名也在今營州西門史新置牧

六年春二月左將軍皇甫嵩大破王國於陳倉三月幽州牧劉虞購斬漁陽賊張純下軍校尉鮑鴻下獄死夏四月丙午朔日有食之太尉馬日磾免幽州牧劉虞為太尉丙辰帝崩于南宮嘉德殿年三十四戊午皇子辯即



皇帝位年十七尊皇后曰皇太后太后臨朝  
 大赦天下改元為光熹封皇弟協為渤海王  
 後將軍袁隗為太傅與大將軍何進參錄尚  
 書事上軍校尉蹇碩下獄時蹇碩謀欲立勃  
 收曰正文蹇碩下獄案碩  
 必此時誅明少一死字五月辛巳驃騎將  
 軍董重下獄死董重皇后  
 之弟子也六月辛亥孝仁皇  
 后董氏崩辛酉葬孝靈皇帝于文陵在洛陽  
 西北三十  
 十里陵高十一  
 丈周一回三百步雨水秋七月廿陵王忠薨庚  
 寅孝仁皇后歸葬河間慎陵徙渤海王協為

陳留王司徒丁宮罷八月戊辰中常侍張讓  
 段珪等殺大將軍何進於是虎賁中郎將袁  
 術燒東西宮攻諸宦者庚午張讓段珪等劫少  
 帝及陳留王幸北宮德陽殿何進部曲將吳  
 匡與車騎將軍何苗戰於朱雀闕下苗敗斬  
 之辛未司隸校尉袁紹勒兵收偽司隸校尉  
 樊陵河南尹許相及諸閣人無少長皆斬之  
 讓珪等復劫少帝陳留王走小平津小平津  
 在今鞏  
 縣西北續漢志曰時京師  
 章諺曰侯非侯王  
 非王千乘萬騎上北邙  
 窳獻帝未有爵號為



段珪等所執公卿百僚皆隨其後到河上乃得環

尚書盧植追讓珪

等斬數人其餘投河而死獻帝春秋曰河南

天子出率騎追之北到河上天子飢渴貢宰羊

進之厲聲責讓等曰君以關宦之隸刀鋸之

賤越從滂泥扶持待日月賣弄國恩階賤為貴

劫迫帝王蕩覆王室假息漏刻遊魂河津自

立新以來姦臣賊子未有如君者今不速死

吾射殺汝讓等惶怖又手再拜叩頭向天子

辭曰臣等死陛下帝與陳留王協夜步逐熒

自愛遂投河而死

光行數里得民家露車共乘之辛未還宮大

赦天下改光喜為昭寧井列牧董卓殺執金

吾丁原司空劉弘免董卓自為司空九月甲

戌董卓廢帝為弘農王自六月雨至于月

論曰秦本紀說趙高譎二世指鹿為馬史記

高欲為亂恐群臣不聽乃先設驗持鹿獻胡

亥曰馬也胡亥曰丞相誤也以問羣臣左右

或言馬或言鹿者高皆陰法也

而趙忠張讓亦

中之自此左右不敢言之也

給靈帝不得登高臨觀時宦官並起第宅擬

候臺宦官恐望見之乃使趙忠等諫曰人君

不當登高登高則百姓散離自是不敢復登

臺榭見故知亡敝者同其致矣然則靈帝之

為靈也優哉

贊曰靈帝負乘委體宦孽易曰負且乘致寇



乘君子，徵亡備，兆小雅盡缺。詩小雅曰小雅

之器麋鹿霜露，遂棲宮衛。史記曰伍子

亦發也王不聽子胥曰：臣今見麋鹿遊于姑蘇之臺，

宮中生荆棘，露沾衣也。言帝為政貪亂，任寄

不得其人，尋以獻帝遷播洛陽，立墟。

故麋鹿棲宮衛也。協韻衛音苦別，反。

○劉放曰：熹平五年書十月壬午御殿，後

槐樹自枝倒，豎中平五年又書十月壬午

御殿，後槐樹自拔倒，豎年數日月無少異

者，蓋必有誤。臣放案中平五年十月又

書甲子，帝稱無上將軍，云云。壬午到甲子

九月四十五日，非十一月，既不能兼也。則中平所

記為衍矣。又案續漢志

中平五年亦無此異。

靈帝紀第八

張奐王 鰲叟 校正

獻帝紀第九

范曄

後漢書九

孝獻皇帝諱協，靈帝中子也。

諡法曰聰明睿曰合，張璠記曰：靈帝以帝似己，

故名，曰協。帝王紀曰：協字伯和。母王美人為

何皇后，所害。中平六年四月，少帝即位，封帝

為渤海王，徙封陳留王。九月甲戌，即皇帝位。

年九歲，遷皇太后於永安宮。

董卓遷也。洛陽宮周迴六百九十九丈，

故基在洛陽故城中。大赦天下，改昭寧為

永漢。丙子，董卓殺皇太后何氏。初，令侍中給

事黃門侍郎，負各六人。續漢書曰：侍中比二千石，無負。漢官儀曰



侍中左蠲右貂本秦丞相史往來殿中故謂之侍中分掌乘輿服物下至褻器虎子之屬武帝時孔安國為侍中以其儒者特聽掌御坐唾壺朝廷榮之至東京時屬少府亦無負駕出則一人負傳國璽操軌蛇劍乘輿中官俱止禁中又曰給事黃門侍郎六百石無負掌侍從左右給事中使關通中外應劭曰黃門侍郎每日暮向青瑣門拜謂之夕郎與服志曰禁門曰黃闥以中入主之故號曰黃門令然則黃門郎給事黃闥之內故曰黃門郎本既無負於此各置六人也獻帝起居注曰自誅黃門後侍中侍郎出入禁中機事頗露由是王允乃奏侍中黃門不得出入不通負客自此始也○劉放曰註乘輿中官俱止禁中案文當云參乘與中官俱賜公卿以下至止禁中少一參字誤一與字賜公卿以下至黃門侍郎家一人為郎以補宦官所領諸署

侍於殿上

靈帝熹平四年改平準為中準使宦官為令自是諸內署令丞悉以

關人為之故今金今士人代領之

乙酉以太尉劉虞為大司

馬董卓自為太尉加鈇鉞虎賁

禮記曰諸侯賜鈇鉞然後

專殺說文曰鈇莖刃也蒼頡篇曰鈇斧也加鈇鉞者得專殺也

丙戌太中大

夫楊彪為司空甲午豫州牧黃琬為司徒遣

使弔祠故太傅陳蕃大將軍竇武等冬十月

乙巳葬靈思皇后白波賊寇河東

薛瑩書曰黃巾郭泰

等起於西河白波谷時謂之白波賊

董卓遣其將牛輔擊之十

一月癸酉董卓為相國十二月戊戌司徒黃



琬為太尉司空楊彪為司徒光祿勳荀爽為

司空省扶風都尉置漢安都護扶風都尉比

元鼎四年置中興不改此以羌擾詔除光

熹昭寧永漢三號還復中平六年

初平元年春正月山東州郡起兵以討董卓

辛亥大赦天下癸酉董卓殺弘農王白波賊

寇東郡二月乙亥太尉黃琬司徒楊彪免庚

辰董卓殺城門校尉伍瓊督軍校尉周璆璆音

必東觀記曰周璆豫州刺史慎之子也續漢書魏志並作苾音秘以光祿勳

趙謙為太尉謝承書曰謙字彥信太尉太僕

王允為司徒丁亥遷都長安董卓驅徙京師

百姓悉西入關自留屯畢圭苑壬辰白虹貫

日三月乙巳車駕入長安幸未央宮未央宮

造也張璠記曰將入宮日大雨晝晦翟雉飛入長安宮巳酉董卓焚洛

陽宮廟及人家戊午董卓殺太傅袁隗太僕

袁基夷其族隗紹之叔父基袁術之母兄卓

其親屬獻帝春秋曰尺口以上男女五千餘人皆下獄死夏五月司空荀

爽薨六月辛丑光祿大夫种拂為司空大鴻



臚韓融少府隍脩執金吾胡母班風俗通云胡母姓李

陳胡公之後也公子完奔齊遂有齊國齊宣王母弟別封母鄉遠李胡公近取母邑故曰

胡母也將作大匠吳脩越騎校尉王瓌安集關

東後將軍袁術河內太守王匡各執而殺之

英雄記曰匡字公節太山人也輕財唯韓融好施以任俠聞為表紹河內太守

獲免董卓壞五銖錢更鑄小錢光武中興除王莽貨泉更

用五銖錢冬十一月庚戌鎮星熒惑太白合於尾

是歲有司奏和安順桓四帝無功德不宜稱

宗又恭懷敬隱恭愍三皇后並非正嫡不合

稱后皆請除尊號制曰可和帝號穆宗安帝號恭宗順帝號敬

宗桓帝號威宗和帝尊母梁貴人曰恭懷皇后安帝尊祖母宋貴人曰敬隱皇后順帝尊

母李氏曰恭愍皇后孫堅殺荊州刺史王粲王氏譜曰

晉太保祥伯父也吳錄曰叡素遇堅無禮堅此時欲殺叡叡曰我何罪堅曰坐無所知叡窮迫刮金

飲之而死又殺南陽太守張咨

二年春正月辛丑大赦天下二月丁丑董卓

自為太師袁術遣將孫堅與董卓將胡軫戰

於陽人陽人聚名屬河南郡故城在今汝州梁縣西史記秦滅東周得其石於陽軫軍大敗董卓遂發掘洛陽諸帝陵

人聚即此地也



夏四月董卓入長安六月丙戌地震秋七月  
司空种拂免光祿大夫濟南淳于嘉為司空  
太尉趙謙罷太常馬日磾為太尉九月蚩尤  
旗見于角亢天官書曰蚩尤之旗類彗而後  
云其色黃上白下見則王者  
征伐四方角亢蒼龍之星冬十月壬戌董  
卓殺衛尉張温十一月青州黃巾寇太山太  
山太守應劭擊破之黃巾轉寇渤海公孫瓚  
與戰於東光復大破之東光今  
滄州縣是歲長沙有  
人死經月復活

三年春正月丁丑大赦天下袁術遣將孫堅  
攻劉表於襄陽堅戰歿袁紹及公孫瓚戰于  
界橋今貝州宗城縣東有古界城  
近枯漳水則界橋在此也瓚軍大敗  
夏四月辛巳誅董卓夷三族司徒王允錄尚  
書事揔朝政遣使者張种撫慰山東青列黃  
巾擊殺兗州刺史劉岱於東平東郡太守曹  
操大破黃巾於壽張降之五月丁酉大赦天  
下丁未征西將軍皇甫嵩為車騎將軍董卓  
部曲將李傕郭汜樊稠張濟等反攻京師六



月戊午陷長安城太常种拂太僕魯旭大鴻臚周奐

三輔决録注曰奐字文明茂陵人城門校尉崔烈越

騎校尉王頌並戰歿頌音吏民死者萬餘人

李傕等並自為將軍己未大赦天下李傕殺

司隸校尉黃琬甲子殺司徒王允皆滅其族

丙子前將軍趙謙為司徒秋七月庚子太尉

馬日磾為太傅錄尚書事八月遣日磾及太

僕趙岐持節慰撫天下車騎將軍皇甫嵩為

太尉司徒趙謙罷九月李傕自為車騎將軍

郭汜後將軍樊稠右將軍張濟鎮東將軍濟

出屯弘農甲申司空淳于嘉為司徒光祿大

夫楊彪為司空並錄尚書事冬十二月太尉

皇甫嵩免光祿大夫周忠為太尉叅錄尚書

事

四年春正月甲寅朔日有食之袁宏記曰時未晡八刻

文令王立奏曰晷過度無變也朝臣皆賀帝

明疑誤上下請付理官帝曰天道遠事丁卯

大赦天下三月袁術殺揚州刺史陳温據淮



南長安宣平城門外屋自壞三輔黃圖曰長安城東面也

也門夏五月癸酉無雲而雷六月扶風大風兩雹

華山崩裂太尉周忠免太僕朱儁為太尉錄

尚書事下邳賊闕宣自稱天子風俗通曰闕姓也承闕黨

童子之後也縱橫家有關子著書兩水遣侍御史裴茂討詔

獄原輕繫六月辛丑天狗西北行前書音義曰有聲為

天狗無聲為狂矢九月甲午試儒生四十餘人上第

賜位郎中次太子舍人下第者罷之詔曰孔

子歎學之不講講講習也論語之文不講則所識日忘

今耆儒年踰六十去離本土營求糧資不得

專業結童入學白首空歸長委農野求絕榮

望朕甚愍焉其依科罷者聽為太子舍人劉

獻帝紀曰時長安中為之謠曰頭白皓然食

不充糧裹衣裳當還故鄉聖主愍念悉用

補郎舍是布衣被服冬十月太學行禮車駕幸求福

城門臨觀其儀賜博士以下各有差辛丑京

師地震有星孛于天市袁宏紀曰孛于天市將從天子移都其後

上東遷也之應也司空楊彪免太常趙溫為司空公孫

瓚殺大司馬劉虞十二月辛丑地震司空趙



温免乙巳衛尉張喜為司空獻帝春秋是歲  
琅邪王容薨

興平元年春正月辛酉大赦天下改元興平

甲子帝加元服二月壬午追尊謚皇妣王氏

為靈懷皇后甲申改葬于文昭陵丁亥帝耕

于籍田三月韓遂馬騰與郭汜樊稠戰於長

平觀遂騰敗績左中郎將劉範前益州刺史

种劭戰歿前書音義曰長平陂名也上有觀

水南原駐城是也袁宏紀曰是時馬騰以李

惟等專亂以益州刺史劉焉宗室大臣遣使

招引共誅惟焉遣子範將兵執騰故涼州刺

史种劭大常拂之子也拂為惟所害劭欲執

仇遂為此戰夏六月丙子分涼州河西四郡為龐

州謂金城酒泉丁丑地震戊寅又震乙巳晦

日有食之帝避正殿寢兵不聽事五日大蝗

秋七月壬子太尉朱雋免戊午大常楊彪為

太尉錄尚書事三輔大旱自四月至于于是月

帝避正殿請雨遣使者洗囚徒原輕繫洗謂

也是歲穀一斛五十萬豆麥一斛二十萬人  
相食啖白骨委積帝使侍御史侯汶出太倉



米豆為飢人作糜粥經曰而死者無數帝疑  
賦郵有虛乃親於御坐前量試作糜乃知非  
實表宏紀曰時勅侍中劉艾取米豆五升於  
御前作糜得滿三孟於是詔尚書曰米豆  
五升得糜三孟而人委頓何也使侍中劉艾出讓有司於是  
尚書令以下皆詣省閣謝劉艾曰察閣當  
作閣閣門也諸閣  
無禮奏收侯汝考實詔曰未忍致汝于理可杖  
五十自是之後多得全濟八月馮翊羌叛寇  
屬縣郭汜樊稠擊破之九月桑復生椹人得  
以食司徒淳于嘉罷冬十月長安市門自壞

以衛尉趙溫為司徒錄尚書事十二月分安  
定扶風為新平郡是歲楊列刺史劉繇與袁  
術將孫策戰于曲阿策字伯符孫堅子  
曲阿今潤州縣繇軍  
敗績孫策遂據山東吳志曰孫策既破繇遂  
度兵據會稽自領會  
稽太太博馬日磾薨于壽春壽春縣名屬九  
江郡今壽春縣  
也

二年春正月癸丑大赦天下二月乙亥李傕  
殺樊稠而與郭汜相攻三月丙寅李傕脅帝  
幸其營焚宮室夏四月甲午立貴人伏氏為



皇后丁酉郭汜攻李傕矢及御前山陽公載

弩金發矢下如雨及御所止高樓殿前帷簾也是日李傕移帝幸北

塢服虔通俗文曰營居曰塢一曰障城也山陽公載記曰時帝在南塢傕在北塢時流

矢中傕左耳乃迎帝幸北塢帝不肯從強之乃行大旱五月壬午李

傕自為大司馬六月庚午張濟自陝來和傕

汜秋七月甲子車駕東歸郭汜自為車騎將

軍揚定為後將軍揚奉為典義將軍董承為

安集將軍並侍送乘輿張濟為驃騎將軍還屯陝八月甲辰幸新豐冬十月戊戌郭汜使

其將伍習夜燒所幸學舍逼脅乘輿揚定揚

奉與郭汜戰破之壬寅幸華陰露次道南是

夜有赤氣貫紫宮獻帝春秋曰赤氣貫紫宮七尺東至寅西至戌也張

濟復反與李傕郭汜合十一月庚午李傕郭

汜等追乘輿戰於東澗王師敗績殺光祿勳

鄧泉衛尉士孫瑞廷尉宜播大長秋苗祀帝獻

沮雋春秋播作磻也步兵校尉魏祭侍中朱展射聲校尉

露次田中曹陽澗名在今陝州西南七里俗謂之七里澗崔浩云自南山北通壬申幸曹陽



於河楊奉董承引白波帥胡才李樂韓暹及匈奴左賢王去卑率師奉迎與李傕等戰破之十二月庚辰車駕乃進李傕等復來追戰王師大敗殺略宮人少府田芬大司農張義等皆戰歿進幸陝夜度河乙亥幸安邑是歲袁紹遣將麴義與公孫瓚戰於鮑丘鮑丘水名出北塞中南流經九莊嶺東俗謂之大榆河又東南方經漢陽縣故城東是瓚之戰處見水經注

### 軍大敗

建安元年春正月癸酉郊祀上帝於安邑大

赦天下改元建安二月韓暹攻衛將軍董承夏六月乙未幸聞喜秋七月甲子車駕至洛陽幸故中常侍趙忠宅丁丑郊祀上帝大赦天下己卯謁太廟八月辛丑幸南宮楊安殿癸卯安國將軍張楊為大司馬韓暹為大將軍楊奉為車騎將軍是時宮室燒盡百官披荆棘依牆壁閒州郡各擁彊兵而委輸不至群僚饑乏尚書郎以下自出採稭稭音呂埤蒼曰稭白生也或饑死牆壁閒或為兵士所殺辛亥

與稽同

或饑死牆壁閒或為兵士所殺辛亥



鎮東將軍曹操自領司隸校尉錄尚書事曹

操殺侍中臺崇尚書馮碩等風俗通曰金天氏裔孫曰臺駘

其後氏焉山陽公載記曰臺字作壺○劉放曰注山陽公載記曰案文多一曰字封

衛將軍董承為輔國將軍劉放曰案文多一為字伏完

等十三人為列侯贈沮儁為弘農太守庚申

遷都許已巳幸曹操營九月太尉楊彪司空

張喜罷冬十一月丙戌曹操自為司空行車

騎將軍事百官總已以聽

二年春袁術自稱天子三月袁紹自為大將

軍夏五月蝗秋九月漢水溢是歲飢江淮閒

民相食袁術殺陳王寵孫策遣使奉貢

三年夏四月遣謁者裴茂率中郎將段熲討

李傕夷三族獻帝起居注曰傳催首呂布叛

冬十一月盜殺大司馬張楊十二月癸酉曹

操擊呂布於徐州斬之

四年春三月袁紹攻公孫瓚于易京獲之公孫

瓚頌失利乃臨易河築京以自固故號易京其城三重周回六里今內城中有上京在幽

州歸義縣南爾雅曰絕高謂之京非人九為之也衛將軍董承為車



騎將軍夏六月袁術死是歲初置尚書左右

僕射武陵女子死十四日復活續漢志曰女子李我年六

十餘死瘞於域中有人行入聞冢中有聲告家人出之

五年春正月車騎將軍董承偏將軍王服越

騎校尉种輯受密詔誅曹操事洩壬午曹操

殺董承等夷三族秋七月立皇子馮為南陽

王壬午南陽王薨九月庚午朔日有食之詔

三公舉至孝二人九卿校尉郡國宰相各一

人皆上封事靡有所諱曹操與袁紹戰於官

渡

裴松之北征記曰中牟臺下臨汴水是為

管渡袁紹曹操壘尚存焉在今鄭州中牟北紹敗走冬十月辛亥有星孛于大梁大梁

分東海王祗薨是歲孫策死為許貢客弟權

襲其餘業權字仲謀

六年春三月丁卯朔日有食之

七年夏五月庚戌袁紹薨于賓國獻馴象馴象

謂隨人意也是歲越雋男子化為女子

八年冬十月己巳公卿初迎冬於北郊斯禮

故曰總章始復備八佾舞郊始用八佾佾列



也謂舞者之行列往因亂廢今始初置司直

備之總章樂官名古之安代樂

官督中都官司直秩比二千石武帝元符五

十一年省今復置之

九年秋八月戊寅曹操大破袁尚平冀州自

領冀州牧冬十月有星孛于東井十二月賜

三公已下金帛各有差自是三年一賜以為

常制

十年春正月曹操破袁譚於青州斬之魏書

攻譚不剋乃自執日操夏四月黑山賊張燕率眾

降魏志曰燕本姓褚常山真定人也黃巾起

角為主牛角死燕代為主故改姓張燕刺角

軍中號曰張飛燕眾至百萬號曰黑山賊

秋九月賜百官尢貧者金帛各有差

十一年春正月有星孛于北斗三月曹操破

高幹於并州獲之典論曰上洛都尉王秋七

月武威太守張猛殺靡州刺史邯鄲商袁宏

日靡州作是歲立故琅邪王容子熙為琅邪

王齊北海阜陵下邳常山甘陵濟陰平原八

國皆除

後漢書

十三



十二年秋八月曹操大破烏桓於柳城斬其

蹋頓蹋頓，匈奴王，號柳城縣，名屬遼西郡，今營州縣。冬十月辛卯有

星孛于鶉尾鶉尾，已巳黃巾賊殺濟南王

贊河間孝王，五代孫。十一月遼東太守公孫康殺袁

尚袁熙

十三年春正月司徒趙溫免夏六月罷三公

官置丞相御史大夫癸巳曹操自為丞相秋

七月曹操南征劉表八月丁未光祿勳郝慮

為御史大夫續漢書曰慮字鴻豫山陽高平人也少受學於鄭玄壬子

曹操殺太中大夫孔融夷其族是月劉表卒

少子琮立琮以荊州降操冬十月癸未朔日

有食之曹操以舟師伐孫權權將周瑜敗之

於烏林赤壁

十四年冬十月荊州地震

十五年春二月乙巳朔日有食之

十六年秋九月庚戌曹操與韓遂馬超戰於

渭南遂等大敗關西平曹操傳曰時妻子相

涉為城以水灌之可一夜而成公從之此明



之超遂走涼州是歲趙王赦薨

十七年夏五月癸未誅衛尉馬騰夷三族六

月庚寅晦日有食之秋七月沛水潁水溢螟

八月馬超破涼州殺刺史韋康九月庚戌立

皇子熙為濟陰王懿為山陽王邈為濟北王

敦為東海王山陽公載記曰時許靖在巴郡

之將欲奪之必姑與之其孟德之謂乎冬十二月星孛于五諸

侯五諸侯星名也

十八年春正月庚寅復禹貢九州當帝春秋

并州以其郡國并於冀州省司隸校尉及涼

州以其郡國并為雍州省兗州并荆州益州

於是充豫青徐荆揚冀益雍也九數雖同

而禹貢無益州然梁益亦一地也

夏五月丙申曹操自立為魏公加九錫案禮

嘉曰九錫謂一曰車馬二曰衣服三曰樂器

四曰朱戶五曰納陛六曰虎賁七曰百人七曰

斧鉞八曰弓九曰鉞大雨水徙趙王珪為博陵王是

歲歲星鎮星熒惑俱入太微是年秋三星逆

坐五日彭城王和薨十九年夏四月旱五月雨水劉備破劉璋據

益州冬十月曹操遣將夏侯淵討朱建于枹



罕獲之

袍罕縣屬金城郡今河州縣也魏志曰淵字妙才沛國譙人也

十一

月丁卯曹操殺皇后伏氏滅其族及二皇子

山陽公載記曰劉備在蜀聞之遽發喪

二十年春正月甲子立貴人曹氏為皇后賜

天下男子爵人二級孝悌力田二級賜諸王

侯公卿以下穀各有差秋七月曹操破漢中

張魯降

二十一年夏四月甲午曹操自進號魏王五

月巳亥朔日有食之秋七月匈奴南單于來

朝是歲曹操殺琅邪王熙國除

坐謀欲渡江被誅

二十二年夏六月丞相軍師華歆為御史大

夫冬有星孛于東北是歲大疫

二十三年春正月甲子少府耿紀丞相司直

韋晃起兵誅曹操不克夷三族

時有京兆金

韋字德偉自以代為漢臣乃發憤與耿紀韋

晃欲挾天子以攻魏南接劉備事敗夷三族

三月有星孛于東方杜預注左傳云平且衆星皆沒而孛星乃見故

二十四年春二月壬子晦日有食之夏五月



劉備取漢中秋七月庚子劉備自稱漢中王  
八月漢水溢冬十一月孫權取荊州

二十五年春正月庚子魏王曹操薨魏志曰操字孟

德薨時年六十六子丕襲位魏志曰丕字子二月丁

未朔日有食之三月改元延康冬十月乙卯

皇帝遜位於魏魏王稱季帝時召群臣卿士告

祠高廟詔太常張音持節奉策舉綬禪位於

魏王乃為壇於繁陽故城魏王登壇受皇帝

綬奉帝為山陽公山陽縣各屬河內郡故城

邑一萬戶位在諸侯王上奏事不稱臣受詔

不拜以天子車服郊祀天地宗廟祖臘皆如

漢制都山陽之濁鹿城濁鹿一名濁城亦名

武東四皇子封王者皆降為列侯明年劉備

稱帝于蜀孫權亦自王於吳於是天下遂三

分矣魏青龍二年三月庚寅山陽公薨自遜

位至薨十有四年年五十四謚孝獻皇帝八

月壬申以漢天子禮儀葬于禪陵續漢書曰

僕駕四輪輅為廣車太練為屋其布中黃門虎



立乘四馬先驅所長三仞十有二旒曳地畫  
日月外龍書旒曰天子之柩謁者二人立乘  
六馬為次太常跪曰哭日十五舉音止哭畫  
漏上請發司徒河南尹先引車轉太常曰請  
拜送車著白絲三糾緋長二十丈圍七寸六  
行行五十人公卿以下子弟凡三百人皆素  
幘委貌冠衣素裳挽校尉三百人皆赤幘不  
冠持幢幡皆銜枚羽林孤兒三百人皆赤幘不  
十人為六列司馬八人執纜至陵南羨門司  
徒跪請就下房都導東園武士奉入房執事  
下明器太祝進醴獻司空將校復土燿音徒  
了反帝王紀曰禪陵在濁鹿城西北十里在  
今懷州脩武縣北二十五里陵高二丈周回  
二百步劉澄之地記云以漢禪魏故以名焉  
○劉放曰注太常跪哭日十五舉置園邑令  
晉止案漢志日字作日在哭字上

丞太子早卒孫康立五十一年晉太康六年

薨子瑾立四年太康十年薨子秋立二十年

永嘉中為胡賊所殺國除

論曰傳稱鼎之為器雖小而重故神之所寶

不可奪移左氏傳王孫滿曰桀有昏德鼎遷

明雖小重也其姦向昏亂雖大於商商紂暴虐鼎遷於周德之休

輕也故言神之所寶不可奪移至今負而趨


者此亦窮運之歸乎言神器至重被一人負而

歸於此時乎言不可復振也莊子曰藏舟於

壑藏山於澤謂之固矣然而有力者負之而

趨而昧天厭漢德久矣山陽其何誅焉天厭漢德





責乎左傳宋子魚曰天既厭商德孔子曰於  
予何誅劉放曰注於予予何誅案今論  
語下予  
當作與

贊曰獻生不辰身播國屯辰時也播遷也言


既播遷國又也難詩曰我終我四百求作虞

賓春秋孔演圖曰劉四百歲之際褒漢王輔

為漢主以自輔以當有應期名見攝錄者故

曰虞賓在位是也以喻山陽公為魏之賓也

獻帝紀第九



張泉王 鰲叟 校正



